

اسم الله الواسع | الجزء الثالث | الحلقة (11) | #إنه_الله | د .

حازم شومان

حازم شومان

انه رب العباد وخير زاد. بسمه الكافي تمسك. انا رأيت انا رحيت الرزق لو تحس بالاختناق كل هم لافتراق كله محزون كسير يحمل اما الكبير ليس غير الله يرجى. انه نعم النصر - 00:00:00

السلام عليكم ورحمة الله وبركاته. لا زلنا مع معاني اسم الله الواسع يا جماعة. وده اللقاء التالت في معاني اسم الله الواسع. انا آآ آآ انا بس بحاول احكي لكم قصص كتير عشان واقعية وحصلت عشان كلنا نصدق ربنا يقدر يوسعها علينا قد ايه. لان يا جماعة الانسان مش متخيل ان - 00:01:00

الرزق بيجي غير من باب فامشوا في مناكبها وكلوا من رزقه. وفعلنا ده باب عظيم للرزق. ولازم كلنا نقف على الباب ده. لازم ده عبادة لله والجهد في سبيل الله - 00:01:30

ولكن ربنا يقدر انه يبارك في مجهودك بسعته. ويديك اضعاف اضعاف المجهود بتاعك. فانا مش بقول لك ما تشتغلش. انا بقول لك اشتغل وانت متصل بالله الواسع ربنا يخلي اللي انت تعمله في يوم الله سبحانه وتعالى يعمله لك في لمح البصر. واللي انت محتاج سنين عشان - 00:01:40

الله قادر انه يعمله لك في فترة بسيطة جدا. يعني سبحانه الله يعني كنت لسة مخلص ماجستير امراض الكلى. ومستني النتيجة بتاعته والدراسات العليا في امراض الكلى الواحد تعب فيها اوي يا جماعة. اوي اوي وحياتي وقفت يعني كذا سنة بشكل كان الواحد في الاخر خلاص اعصابي مدمرة. وقاعد مستني - 00:02:00

النتيجة على نار طبعنا انا عايز اخلص ارجع بقى لدعوتي. وارجع انطلق تاني في الدعوة الى الله. وخلاص هي حاجة لازم الواحد يبقى راجل دين ودنيا. ما يبقاش راجل دين ورامي - 00:02:20

الولايات الدنيوية فسبحان الله العظيم كان عندي حاجات كتير جدا عايز اعملها بعد ما اخلص الدراسات العليا في امراض الكلى فجاء لي مكالمة آآ ان آآ من حد جوة القسم يعني ان فيه اساتذة في القسم مصممين ان كل اللي دخلوا اول مرة في الماجستير ما ينجحوش ما ينفعش عندنا حد ينجح من - 00:02:30

اول مرة ازاى يعني ده عيب حتى في آآ في وش القسم وانا كان دي اول مرة ادخل فيها. اللهم لك الحمد انا طول عمري بفضل ومهنة الله. يعني في اي شهادات اللهم - 00:02:50

كليات شرعية او شهادات طبية يعني بفضل الله بنجح من اول مرة فانا يعني فانا ساعتها اتصدمت انا هعيد تاني الشقى ده هعيده تاني كان اول مرة ادخل فيها الماجستير فاتحطمت نفسيا. وحسيت ان انا بدأت ادخل في ضغط نفسي شديد جدا. آآ النفس عندي بدأ يضيق لدرجة ان انا ما عدتش - 00:03:00

انا ما اقعدهش افكر بقى لا في ماجستير ولا ما بعد ولا انا عدى علي خمس ايام يا جماعة مش قادر اخذ نفسي. يعني خلاص انا داخل في مرحلة ان انا هصارع عشان - 00:03:20

اخذ نفسي وعملت اشعة مقطعية على الرئة فطلع ان الكورونا اللي عندي اصعب درجة من درجات كورونا. يعني بتعبير واحد من اساتذتي قال لي انت الرئة بتاعتك مهيبة الله يغفر له طبعنا وقال الكلمة دي والكلمة دي كانت هتموتني يعني. آآ فقعدت اربعتاشر يوم

مريض بكورونا. يعني اللحظة اللي اقدر - 00:03:30

اخذ فيها نفسي ثاني. واقدر ان انا انزل للحياة ثاني دي اللي هي بقى اليوم الاربعتاشر. في اليوم الاربعتاشر اللي هو اخر يوم في

العزل. يعني لو اليوم ده عدى - 00:03:50

انا ممكن انزل وامارس الحياة ثاني. واقف في البيت عندي طبعاً من اجهاد الادوية وما فيش تغذية والفيروس بيمص الماية من دمك بيخليك جسمك ناشف فجأة لقيت الدنيا اسودت وفجأة وقعت من طولي ودخلت في حالة اغماء. لما وقعت من طولي جا لي حالة

في القلب نبض غير منتظم. لازم ادخل العناية المركزة فوراً - 00:04:00

عناية القلب المرة دي بقى مش كورونا. يعني الحالة بتيجي لي من سنين طويلة كل شوية نسأل الله العفو والعافية. فلماز اتنقل عناية مركزة حالاً. نقلوني عناية القلب المركزة. انا رايح طبعاً حطام انساني. انا مش رايح بني ادم اصلاً. انا خارج من كورونا منتهي اصلاً. انا

داخل هناك كل اللي حواليا بيموتوا في عناية القلب بقى - 00:04:20

الوضع كان صعب جداً. العناية كانت مليانة حالات صعبة جداً. وكان يوم هوت يعني هوت يعني داخل حالات كتير قطر. وكل شوية حد جنبي يتحط على التنفس الصناعي هو انا خلاص يا جماعة انا حاسس ان انا منهار انا عارف انها اسودت. هتوسع الوقتي. انا

خارج من دور كورونا اصلاً منتهي صحيا ومدمر - 00:04:40

فجه موضوع القلب والنبض والنبض بقى بيسوء كمان كل شوية. يعني النبض مش بيرجع طبيعي. ما عدتش قادر اخذ نفسي بسبب كورونا وبسبب النفس وبسبب القلب والحالة يعني صعبة جداً. آآ وحاسس بتحركات زمايلي. آآ دكاترة اصحابي ان هم بيجهزوا اوضة

العمليات عشان يتعمل لي صدمات كهربائية - 00:05:00

على القلب لان انا دخلت في اليوم الثاني ونبض القلب لسة غير منتظم. وكان آآ لازم خلاص يعني لازم اخذ صدمات كهربائية على القلب لان اكرر كده نبض غير منتظم ده خطر خطر على الحياة كلها. لو النبض ما رجعش طبيعي لوحده. انا حاسس بالتحركات اللي

حواليا وبدأت - 00:05:19

فعلاً يعني انا فاكر الوقت اللي انا كنت فيه كانت اصعب لحزة مرت علي في حياتي. وحاسس ان انا قلبي هيقف من كتر الاجهاد والمرض والتعب وانا بني ادم بخاف زي اي بني ادم موضوع صدمات كهربائية يعني الموضوع قلقني جداً خلاص احنا كنا داخلين في

الساعة واحدة بالليل اليوم الثاني خلص وانا بقالي يومين في - 00:05:39

عنيا وخلاص يعني الصبح بالتأكد هياخدوني على موضوع الصدمات الكهربائية. هاعمل ايه ؟ يعني فحصيت ساعتها ان انا خلاص ما عدتش قادر يعني يعني عايز اخرج من اوضة العناية المركزة دي باي طريقة. فقلت لهم لو سمحتم يا جماعة آآ يعني خرجوني من هنا.

يعني خرجوني من هنا فقالوا لي طيب آآ - 00:05:58

ما ينفعش هنفك الاجهزة ازاى ؟ هنفك المحاليل ازاى ؟ فقلت لهم لو سمحتم يا جماعة انا مخنوق ومش قادر. أسألهم فكوا الاجهزة. فكوا المحاليل. آآ فكوا الجهاز اللي بيبين حالة النبض حطوني على كرسي متحرك. وجه واحد صاحبي وقعد يلففني في القسم وانا

قاعد حاسس ان انا مش عارف اعمل ايه - 00:06:19

ما تستغيس بالله. سبحانه وتعالى. بعد شوية خلاص يعني لفتك ارجع بقى عشان تتحط على اجهزة ثاني. فجه يدخل لي الاسم.

بابص كده على العناية المركزة من برة وانا جاي - 00:06:39

نقولها ثاني قلت له استنى ورفعته ايدي وقلت يا رب انا خرجت منها. يا رب اقسم عليك بكرمك ما تدخلها لي ثاني. اقسم عليك يا رب

بعد ما خرجتني من - 00:06:49

ان انا بدخلها ثاني. فالدكاترة قالوا لي لازم تدخل خلاص كده فكده خطر. فقلت لهم طب معلى كمان لفة واحدة. قعدوا يلففوني ثاني في القسم. قعدت مكاني في حطة كده على كرسي يعني في القسم مش عارف اعمل ايه. فواحد صاحبي قام مشغل قرآن. قام مشغل

سورة مريم. والشيخ مشاري - 00:07:00

بيقراً بقى قول الله ولم اكن بدعائك ربي شقياً. انا حاسس ان انا قلبي بيتزلزل بس مش قادر من الاجهاد ان انا حتى اعمل اي تفاعل

مع الاية اقول الله وهو يبقراً بقى قال ربي ان قال ربي انا يكون لي غلام؟ وكانت امرأتى عاقبة - 00:07:20

ترى وقد بلغت من الكبر عتيا. حاسس ان انا قلبي بيتزلزل. وهو ببقراً كذلك. قال ربك هو علي هين. حاسس بيتزلزل الصفحة الاولى من سورة مريم يا جماعة. خلصت وانا قاعد مكاني مش عارف اعمل ايه. من كتر يعني اللهفة اللي في قلبي على ايد - 00:07:40
ربنا يديني شيء من العطاءات اللي في اول صفحة في سورة مريم بدأت وانا قاعد مكاني كده احس باحساس غريب. يعني حاسس ان انا ما عدتش قاعد ما عدتش حاسس بالخفقان - 00:08:00

بتاع قلبي وضيق النفس اللي عندي. ففيه يعني يعني دكتورة كده في القسم معديّة. فبقول لها معلش يا دكتورة بس النبض بس ممكن تشوفيه انا حاسس ان النبض آآ يعني بقى عادي بس انا يعني آآ حالة صعبة يا جماعة على لحزة صعبة فبتحط ايدها على النبض كده فهي نفسها مش مصدقة قالت لي هو - 00:08:10
ايه ده! هو النبض بقى طبيعي ولا ايه! تعال اما نعمل رسم قلب. دخلت الدكاترة عملوا لي رسم قلب. قالوا لي النبض رجع طبيعي. انا انا اول مرة ابكي من الفرحة بالمنزر ده طلعت اجري من القسم. استنى ما ينفعش تخرج لازم تمانية واربعين ساعة في المستشفى آآ خطر - 00:08:31

انك انت تخرج انا مش قادر اقعد في المكان ده. خرجت وقفت في الشارع. اشم هوا الشارع. انا مش مصدق ان انا ليلتها كنت نايم على السرير في بيتي بعدها بيومين عرفت ان انا نجحت في الماجستير. وانا انا كنت عايز ابكي بين ايدين ربنا سبحانه وتعالى. ايه الكرم ده يا رب؟ ايه الكرم ده يا رب - 00:08:51
يعني حتى الواحد لما يعني يعني دخل في حالة نفسية صعبة بسبب الازمة بقى بعدها سبحانه الله العظيم يعني رحت مكان خلوي ووقفت صلي ركعتين لربنا سبحانه وتعالى وتوسل الى الله سبحانه وتعالى وابك لربنا خرجت من الركعتين كان انا مولود من جديد. كانها نفسيتي - 00:09:11

رجعت من جديد زي ما ربنا خلقها. سبحانه الله! الله الواسع! مهما كانت ضيقة! مهما كانت سودا ربنا قادر انه يوسعها. ربنا قادر انه يفرجها من اوسع الابواب اوعى الدنيا تسود في عينك. اوعي تحس انك انت بتاخدي نفسك من ثقب ابرة. اوعي تحس ان السما اتطبقت على الارض وانت ما بينهم. يا جماعة الله - 00:09:31
واسع الله الواسع وقادر ان هو يخلي حياتك اوسع مما تتخيل واوسع من احلامك المعنى الرابع من معاد اسم الله الواسع انا ثلاث معاني المعنى الرابع الذي يوفر لك عمرك ويجعلك تقطع مسافاتها هائلة في وقت بسيط. يعني اللي يقدر ينقلك في حياتك نقلات مهول - 00:09:51

يقول لك فلان خطوته واسعة. يعني ايه خطوته واسعة يعني في يوم بيعمل اللي غيره بيعمله في سنة. هو المعنى ده فين في القرآن يا جماعة؟ في قول الله سبحانه وتعالى يدبر الامر - 00:10:13
من السماء الى الارض ثم يعرج اليه في يوم كان مقداره الف سنة مما تعدون المفسرين قالوا يعني ايه في يوم كان مقداره الف سنة؟ قالوا يعني ان ربنا يقدر في يوم يعمل لك ويعمل لك - 00:10:28

اللي انت محتاجه عشان تعمله لنفسك الف سنة من التخطيط والتنفيذ. يعني ربنا سبحانه وتعالى يقدر يوفر لك عمرك في وقت لا يذكر وينقلك نقلات مهولة في حياتك. الاية دي يا جماعة ما ينفعش تتنسي. يدبر الامر من السماء الى الارض ثم يعرج اليه في يوم هو يوم - 00:10:48

كان مقداره الف سنة مما تعدون؟ ربنا يقدر ينقل الامة نقلات عزيمة ربنا يقدر ينقلك في حياتك نهالات عزيمة ربنا يقدر ينقل الدول الاسلامية والبلاد الاسلامية في الحضارة والنهضة والاقتصاد. والعزة نقلات عزيمة بس نرجع للواسع. بس نقف على باب الواسع بس نتسع بالواسع - 00:11:08

بس نجري على الواسع. بس نحقق مراد الواسع مننا وهو قادر يعمل لنا كل حاجة سبحانه وتعالى. المعنى الخامس من معاني اسم الله الواسع الواسع يعني الغير محدود الغرب يا جماعة بعد مئات السنين من البحث العلمي وبعد صنع التلسكوبات العملاقة والمرصد

الجبارة زي مرصد هابل قدروا انهم يصنعوا - 00:11:28

كوب جيمس ويب. تلسكوب جيمس ويب اتكلف عشرة مليار دولار. اتعاون في صناعته وكالة الفضاء الامريكية ووكالة الفضاء الأوروبية ووكالة الفضاء التعاون في صناعته تلتميت جامعة على مستوى العالم. دخل في تكوينه يعني في امكانيات تكوينه وصناعته اربعتاشر دولة. من دول العالم - 00:11:53

عالم عمر التلسكوب ده على فكرة يا جماعة ودي مفاجأة لناس كتير جدا هيأتيه بعد خمس سنين بس. من ساعة تشغيله لما الوقود بتاعه ينفز ويتحول التلسكوب كفاية من النفائات الكونية بتسبح في الفضاء - 00:12:13

ولكن التلسكوب ده اكتشف ايه التلسكوب ده اكتشف مجرة على بعد تلتاشر ونص مليار سنة ضوئية. التلسكوب ده اكتشف مجرة بتبعد عننا اربعة وعشرين مليار سنة ضوئية. اللي هي مجر عن الارض واقدام مجرة في الكون. وفيها اضخم ثقب اسود في الكون. التلسكوب ده التقط صورة لنجمة على بعد خمسة مليار سنة ضوئية - 00:12:25

اكبر منطقة من انشط مناطق تكوين النجوم في الكون على بعد ست الاف وخمسميت سنة ضوئية. لو انت سألت آآ العلماء في الغرب بعد كل الانجازات المزهلة دي هو فيه مجرات ابعد من كده - 00:12:48

هيقول لك طبعاً وفي كورس. ولكن احنا اقصى علم وصلنا له هو الحد ده. فاحنا علمنا محدود في هذا الكون المحدود هو ربنا خلق الانسان كده يا جماعة سمعه محدود. بصره محدود. قدرته محدودة. احسانه محدود. لانه هو طاقته محدودة. ممكن تطلب من حد طلب يقول لك - 00:13:03

ده فوق طاقتي. احد الصحفيين المشهورين في العالم اراد انه يعمل حوار مع شخصية عظيمة ومشهورة جدا في العالم في اساء الحوار الصحفي قعد يسأل الشخصية المشهورة دي ويواجهه بالاعتراضات عليه وارئ النقاد اللي بينتقدوه عمل له كمين اعلامي ما لوش حل - 00:13:23

الراجل المشهور المشهور ده قعد ينكمش وينكمش بعد اللقاء. سألو يعني الناس سألو الصحفي ده انت اخرجته بالشكل ده ليه؟ شوفوا قال ايه؟ قال اردت ان اعیده لحجمه الحقيقي. الانسان له حجم في اشخاص عندهم القدرة على الظهور بحجم اكبر من حجمهم. ولكن في - 00:13:40

الظروف الصعبة بيرجعوا لحجمهم الحقيقي. خطورة اسم الله الواسع ان هو بيعرفك ان صفات الله بلا حدود. وان الله سبحانه وتعالى غير محدود العلم غير محدود القدرة. خطورة اسم الله الواسع. انه بيرجع كل حاجة انبهرت بها في الحياة. لحجمها الحقيقي. بيرجع كل شخص - 00:14:00

كل نجم كل براند انبهرت به في الحياة لحجمه الحقيقي. بيعرفك الحل الوحيد للفراغ النفسي القاتل. اللي بيؤدي بكثير من الناس للانتحار. انت عارف ليه ناس كتير عندها فراغ نفسي قاتل. لان كل الحاجات اللي بهرتها كل الشخصيات اللي بهرتها وملت حياتها - 00:14:20

كلها واخدة فوق حجمها الحقيقي ونفسيته ربنا مصممها عشان تبقى جهاز يتعرف على الله الغير محدود القدرة. والغير محدود الصفات. فلو انت شغلت الجهاز ده فاشغلت بالمحدود مش هتحقق له الاشباع النفسي. وهيفضل عندك فراغ نفسي قاتل لا يملأه الا معرفة الله الواسع. سبحانه - 00:14:40

الله! عشان كده اسم الله الواسع بيتعلق بكل اسماء الله الحسنی. اسم يببهرك بكل اسماء الله. يعني ربنا يا جماعة واسع الكرم واسع القدرة واسع العلم واسع الحلم مهما كانت زنوبك. آآ ربنا سبحانه وتعالى قدرته بلا حدود علمه بلا حدود مغفرته - 00:15:05

الحدود بلا حدود يعني بلا حدود ما تياشيش. من زنوبك فضله وكرمه بلا حدود. سلطانه بلا حدود لا نهاية لسلطانه. عشان كده معاني اسم الله الواسع واسع السلطان علماء الفلك بيزنونا زهول فعلا ان هم كل اللي شايفينه في السماء الدنيا ده مية وستين مليار سنة ضوئية. يعني بيقولوا ان كتر - 00:15:25

السماء الدنيا الحقيقي الحقيقي مش اللي هم شايفينه. متين وخمسين ضعف الجزء اللي احنا شايفينه. يعني كل اللي احنا شايفينه

في المية وستين اختيار سنة ضوئية ده جزء بسيط جدا جدا من السماء الدنيا. اللي هي اصلا كلها في الكرسي حلقة في فلاء. عشان كده لما نفتش في القرآن عن اسم الله - [00:15:49](#)

واسع. نلاقي قول الله وسع كرسيه السماوات والارض. سبحان الله! على سعة سلطان الله! انا هاوقف معكم عندي الاية العظيمة اية الكرسي وهذه الجملة العظيمة واسع كرسيه السماوات والارض ونكمل من اول المرة الجاية في رحلتنا مع اسم الله الواسع -

[00:16:09](#)

واكتشاف الافاق المذهلة والمعاني المدهشة لاسم الله الواسع. نكمل مع بعض بازن الله. المرة الجاية ربنا اتنا من لدنك رحمة وهيئ لنا من امرنا رشدا. ربنا هب لنا من ازواجنا وذرياتنا قرة اعين. واجعلنا للمتقين اماما. اللهم اغفر لنا وتب علينا - [00:16:29](#)

انك انت التواب الرحيم. اللهم انا نعوذ بك ان نشرك بك شيئا نعلمه. ونستغفرك لما لا نعلمه. سبحانك اللهم وبحمدك. اشهد ان لا اله الا انت استغفرك واتوب اليك - [00:16:49](#)

انه رب العباد حبه هو خير زاد. بسمه الكافي تمسك انا رأيت انه رب انا رأيت الرزق قضا لو تحس بالاختناق كل هم واسع الرحمت ورب العباد حبه هو خير زاد باسمه الكافي - [00:17:02](#)

[00:17:52](#) انه رب العباد -